

**Talamdan sa
Mga Mensahe alang sa Full-time Training
sa Fall Term sa 2023**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
UNANG CORINTO**

Mensahe 14

Magkinabuhi diha Panagsakot ug Realidad sa Lawas ni Cristo

Basahong Kasulatan: 1 Cor. 12:12-27

- I. **Ang sentrong pinadayag sa Dios mao ang nagkauswag nga pagpadayag sa Dios diha sa Biblia—ang “ulitawo” nga Dios, ang nagpakatawo nga Dios, ang nagtubos nga Dios, ang sinagol nga Dios, ang gipakusgan nga Dios, ang nagpuyo-sa-sulod nga Dios, ug ang natagik nga Dios; ang natagik nga Dios mao ang Lawas-Cristo nga sa katapusan mahingpit sa “naminyo” nga Dios, ang natagik nga Dios sa katapusan, ang Bag-ong Jerusalem.**
- II. **Ang pahiuli sa Ginoo karon pagpahiuli man sa Lawas-Cristo (“ang Cristo”) diha sa iglesiahanong kinabuhi; ang Lawas-Cristo mao ang natagik nga Dios; busa, ang paggawi diha ni Cristo (Col. 2:6) paggawi man diha Niya nga Lawas-Cristo, nga mao ang natagik nga Dios (1 Cor. 12:12-13; Buh. 9:4-5, 15; Col. 2:19; Efe. 4:1-6, 15-16; Juan 14:20, 23; 17:21):**
 - A. Niingon ang 1 Corinto 12:12, “Maingon nga usa ra ang lawas ug daghag bahin, apan ang tanang bahin sa lawas, bisan daghan, usa ra ka lawas, ingon man sab ang Cristo”; “ang Cristo” ning versiculoha dili tinagsang Cristo kondili hiniusang Cristo, ang Lawas-Cristo, si Cristo nga natagik sa tanang bahin Niya.
 - B. Kini ang hiniusang “Ako” nga nakita ni apostol Pablo sa nagbuntog nga pagkakabig niya ngadto ni Cristo; nakita niya nga si Ginoong Jesus ug ang Iyang mga magtutuo usa ka dakong persona—ang kahibulongang “Ako”; ang Cristo nga gawian gyod nato karon dili lang ang tinagsang Cristo kondili ang kahibulongang “Ako” sab, ang Lawas-Cristo, nga mao ang natagik nga Dios (Buh. 9:3-5; Col. 2:6); busa, si Pablo ray magsusulat sa Bag-ong Tugon nga nigamit sa pamulong *ang Lawas ni Cristo* (Rom. 12:4-5; 1 Cor. 12:12-27; Efe. 1:22-23; 2:16; 4:4, 16).
 - C. Ang pagdawat ug paggawi diha ni Cristo mao ang pagdawat ug paggawi diha sa Lawas-Cristo kay hiniusang Lawas man si Cristo karon; dili na tinagsang Cristo lang si Cristo kondili hiniusang Cristo sab, ang Ulo ug Lawas; dako gyod ang kalainan sa atong Cristohanong kinabuhi kon maggawi ta diha sa hiniusang Cristo.
 - D. Ang pahiuli sa Ginoo pagpahiuli man sa “pagkahimong Cristo,” lunsay ug bug-os nga pagpahiuli sa persona ni Cristo aron mabatonan ang realidad sa Lawas-Cristo diha sa iglesiahanong kinabuhi—1 Tes. 5:23; Fil. 1:19-21a; 3:8-14; 2 Cor. 2:10; Col. 3:10-11.
 - E. Gitukod sa Ginoo karon ang Lawas-Cristo diha sa iglesiahanong kinabuhi; diha sa Lawas-Cristo, gitukod si Cristo nganha sa tanang bahin Niya, ug gitukod ang tanang bahin Niya nganha Niya sa pagtubo nila sa kinabuhi ug pagkatransporma nila sa kinabuhi aron mapadayag si Cristo—2:19; Rom. 12:2; 2 Cor. 3:18; 1 Cor. 12:12-13:
 1. Diha sa Lawas-Cristo nagpahimulos ta ni Cristo isip tanan—vv. 3b, 13.
 2. Diha sa Lawas-Cristo naay kagamitan ang tanang bahin—vv. 14-22; 14:31.
- III. **Gisakot pag-usa sa Dios ang Lawas—12:24:**
 - A. Ang pulong *gisakot* nagpasabot og “gipahiangay,” “gibagay,” “gipahaom,” ug “gisagol” ug nagpasabot sa pagkawala sa mga kalainan; ang panagsagol nagpasabot nga mohunong gyod una ta aron makig-ambitay sa uban.

- B. Magpahaom nato ang pakig-ambitay, magpahiangay nato ang pakig-ambitay, magpabagay nato ang pakig-ambitay, ug magsagol nato ang pakig-ambitay; dili gyod ta mobuhat og bisan unsa nga dili makig-ambitay sa ubang balaan nga nakigtambayayong nato; nagkinahanglan ang pakig-ambitay nga mohunong una ta sa dihang duna na tay buhaton.
- C. Nagpasabot ang pakig-ambitay nga natandog ka sa uban ug nakatandog ka nila, apan tandogon gyod nimo sila sa paagi sa panagsakot.
- D. Nagkinahanglan ang panagsakot nga mapapas ta; nagkinahanglan ang panagsakot nga mapinaagi ta sa Espiritu aron magpaambit og Cristo ug magbuhat sa tanan tungod ug alang sa Iyang Lawas.
- E. Sa hapit na mobiya si Brother Lee kanato aron hingpit nga makig-uban sa Ginoo, nagsulat siyag “Sulat sa Pakig-ambitay uban sa Pagpasalamat” sa Marso 24, 1997; niingon siya niini nga, “Gipakita sa Ginoo kanako nga nag-andam na Siyag daghang igsoong lalaki nga moalagad ingog mga masigka-ulipon nako sa paagi sa panagsakot. Gibati nako nga sangkap kini sa pagbuot sa Ginoo alang sa Iyang Lawas, ug ang takdo-sa-panahon nga paagi sa pagtuman sa Iyang pagpangalagad” (*The Collected Works of Witness Lee, 1994–1997*, vol. 5, p. 525).

IV. Mosunod gyod ta sa sumbanan ni apostol Pablo nga magmabination-sa-Lawas ug nasentro-sa-Lawas aron makapahimulos ta sa sangkap sa Lawas; ang sangkap sa Lawas mao ang madagayaong sangkap sa Espiritu ni Jesucristo, nga gihulagwayan sa sinagol nga igdihog, sa balaang lana nga igdihog—Fil. 1:19-21a; Exo. 30:23-25:

- A. Naa sa Lawas ug alang sa Lawas ang sinagol nga Espiritu ug alang kini sa sacerdotehanong pag-alagad nga nagtukod sa Lawas—vv. 26-31; Rom. 15:16; 1 Ped. 2:5, 9; Sal. 133:1-3; Efe. 4:3.
- B. Madawat nato ang sangkap sa Espiritu pinaagi sa pagpangamuyo ug pakig-ambitay sa mga bahin:
 1. Sa dihang nauga ta ug dili na makapadayon, gikinahanglan nato ang ubang igsoon nga mangamuyo alang nato ayha pa ta makapadayon—Fil. 1:19; 1 Tes. 5:25; Job 42:8-10.
 2. Iampo gyod nato ang atong kaugalingon ngadto sa Dios aron madawat nato ang Espiritung taghatag-og-kinabuhi nga atong sangkap aron makakaon ta ug ang tanang giatiman nato aron matukod ang Lawas—Luc. 11:1-13.
 3. Dili ta mabuhi kon wala ang sangkap sa Lawas; busa, kanunay gyod natong pahimuslan ang higayon nga makig-ambitay sa Lawas—1 Tes. 3:8; 1 Cor. 10:16b; 1 Juan 1:3.
 4. Basta nagkinabuhi ta diha sa Lawas, madawat nato ang sangkap sa Lawas, bisan unsa pay atong kahimtang; kon gustong mahayagan ang tawo, mosulod gyod siya sa iglesia, sa balaang puluy-anan—Sal. 73:16-17; Mat. 5:14; Bug. 1:20.
 5. Wala makapabulag ni Pablo sa Lawas ni Cristo ang pagkabilanggo niya o makaputol ba niya sa sangkap sa Lawas—Fil. 1:19.
 6. Matukod ang tibuok Lawas pinaagi sa pagsaligay sa mga bahin—1 Cor. 16:18; Efe. 4:16.

V. Dili mahimong mag-independente o magkinaugalingon ba diha sa Lawas, kay mga bahin man ta, ug dili mabuhi ang mga bahin bulag sa Lawas—Rom. 12:5; Efe. 5:30:

- A. Bahin sa Lawas ni Cristo ang matag magtutuo, ug kinahanglanon kaayo ang matag bahin—1 Cor. 12:15, 21; Rom. 12:3.
- B. “Kon tinuod natong nakita ang posisyon nato diha sa Lawas, morag naluwas ta sa ikaduhang higayon” (Watchman Nee, *The Mystery of Christ*, p. 16)—Juan 1:50-51; Gen. 28:17; 1 Tim. 3:15.
- C. Ang mga nakakita nga mga bahin sila sa Lawas nagmahal sa Lawas ug nitahod sa ubang bahin—1 Cor. 12:23-24; Fil. 2:29; 1 Cor. 16:18; Huk. 9:9.
- D. Hain ngani naay pinadayag sa Lawas, naay pagbati sa Lawas, ug hain ngani naay pagbati sa Lawas, mawala ang makinaugalingong hunahuna ug buhat:
 1. Kon buot tang makaila sa Lawas, kinahanglang maluwas ta dili lang sa masal-anon natong kinabuhi ug natural nga kinabuhi kondili sa makinaugalingon sab natong kinabuhi.
 2. Maingon nga batok sa kalibotan ang Amahan (1 Juan 2:15), batok sa daotan ang Anak (3:8), ug batok sa unod ang Espiritu (Gal. 5:17), batok sab sa tinagsang tawo ang Lawas.

3. Maingon nga dili mahimong mag-independente ta sa Ulo, dili sab mahimong mag-independente ta sa Lawas; dulumtanan sa panan-aw sa Dios ang pagkinaugalingon—itandi sa Mat. 16:21-26.
4. Ang dili nako mahibaloan, mahibaloan sa laing bahin sa Lawas; ang dili nako makita, makita sa laing bahin sa Lawas; ang dili nako mabuhat, mabuhat sa laing bahin sa Lawas.
5. Kon dili ta magpatabang sa mga masigka-bahin nato, dili ta magpatabang ni Cristo (1 Cor. 12:12; Buh. 9:24-25; 2 Cor. 11:30-33); sa madali o madugay, mauga gyod ang tanang maki-naugalingong Cristohanon.

VI. Kon magkinabuhi ta diha sa Lawas, masinati nato ang panalipod sa Lawas:

- A. Gipanalipdan sa Lawas ang tanang bahin (Mat. 16:18); gisul-ob sa Lawas ni Cristo ang tibuok hinagiban sa Dios (Efe. 6:10-20).
- B. Kini ang prinsipyo sa espirituhanong pakiggubat—mogukod ang usa sa usa ka libo, ug mopakalagiw ang duha sa napulo ka libo—Deut. 32:30; Eccl. 4:9-12; Rom. 16:20.
- C. Dali rang malimbongan ang tawong nag-inusara, busa gikinahanglan sab nato ang pagtabon sa Lawas alang niini—Fil. 3:3; Buh. 21:4, 11-12.
- D. Makita gyod unta natong tanan ang realidad sa panalipod sa Lawas, motago ta niini, ug modawat sa panalipod niini.

VII. Isip mga bahin sa Lawas, magpalimiti gyod ta sa ubang bahin, dili molapas sa maarangan nato:

- A. Ang sukaranong gikinahanglan aron motubo ug molambo ang Lawas mao nga moila ta sa maarangan nato ug dili molapas niini—Efe. 4:7, 16.
- B. Gipahaluna ta sa Ulo sa espesyal nga dapit nato diha sa Lawas ug gitudlo kanato ang espesyal nga kagamitan nato—1 Cor. 12:18.
- C. Sama ni Pablo, mobuhat ug molihok gyod ta segun sa gisukod sa Dios kanato, magpalimiti sa gibut-an sa Dios, sa gisukod sa Dios—2 Cor. 10:13:
 1. Iniglapas nato sa gisukod kanato, nilapas ta sa pagbulot-an sa Ulo ug wala na magpadihog; molapas ngani ta sa gisukod kanato, nanghilabot ta sa han-ay sa Lawas.
 2. Ang pag-isip sa atong kaugalingon labaw sa angay natong isipon nga walay ligdong nga hunahuna pagwala man sa hustong han-ay sa kinabuhi sa Lawas—Rom. 12:3.

VIII. Kanunay gyod tang maghunahuna sa Lawas, magtagad sa Lawas, motahod sa Lawas, ug mobuhat sa labing maayo alang sa Lawas—1 Cor. 12:23-27:

- A. Alang sa Lawas ang pahiuli, dili alang kang bisan kinsang tawo o alang ra ba sa bisan unsang tinagsang iglesia lokal—v. 14; Rom. 12:2, 4-5.
- B. Ang mga iglesia lokal dili maoy tumong sa pamatigayon sa Dios kondili pamaagi lang aron makab-ot ang tumong sa Dios, nga mao ang realidad sa bugtong-talagsaong Lawas ni Cristo.
- C. Matag panahon nga duna tay buhaton, hunahunaon gyod nato pag-ayo ang Lawas; hunahunaon gyod nato kon unsay bation sa Lawas sa buhaton nato.
- D. Kinahanglang maluwas ta sa pagtinguha sa kaugalingon balik sa pagtagad sa Lawas aron dili na ta maalang sa tinagsang kaayohan nato kondili alang na sa pagtukod sa Lawas.